

ՆՈՐ ԵՎ ՆՈՐԱԳՈՒՅՆ ՇՐՋԱՆ

ԳԵՎՈՐԳՅԱՆ ԳՈՈ

ԵԳԻՊՏՈՍԻ ԴԻՐՔՈՐՈՇՈՒՄԸ 1990-1991 ԹԹ.
ԻՐԱԶԱ -ՔՈՒՎԵՅԹՅԱՆ ՃԳՆԱԺԱՄԻ ՀԱՆԴԵՊ

Միջառաքական հարաբերությունների իրավիճակը զգալիորեն կախված է Եգիպտոսի և Իրաքի միջև գոյություն ունեցող առնչությունների բնույթից, ինչը պայմանավորված է արաբական աշխարհում նրանց ունեցած դերի ու հեղինակության հետ¹: Երկու երկրների միջև գոյություն ունեցող մրցակցության հետևանքով հարաբերությունները նրանց միջև միշտ չէ որ հարթ են ընթացել:

1980-ականների վերջին Եգիպտոսը՝ նախագահ Մուհամմեդ Հոսնի Մուբարաքի նախագահության երկրորդ շրջանում, վերականգնելով 1979թ. կասեցված իր անդամակցությունը Իսլամական Կոնֆերանս Կազմակերպությունում (ԻԿԿ) և Արաբական Պետությունների Լիգայում (ԱՊԼ), կրկին դարձել էր «արաբական ընտանիքի» լիիրավ անդամ²: Բայց որպեսզի Կահիրեն դարձյալ հաստատի և ամրապնդի իր դիրքերը արաբական աշխարհում ու վճռորոշ ծայր ունենա, հարկավոր էր ինչ-որ ցնցում դրսից, որն էլ հանդիսացավ Ծոցի երկրորդ ճգնաժամը³: Այն մեծապես նպաստեց Եգիպտոսի քաղաքականության ուրույն դերի վերաբժանմանը տարածաշրջանում: Ավարտելով իրաքա-իրանյան պատերազմը, Մերձավոր Արևելքում մեր քաղաքական դեմքով ներկայացել էր Իրաքը: Տիրապետելով մարտերում կոսիված 1մլն բանակի, քիմիական և այլ կարգի կուտակված առեղծված քանակությամբ սպառազինության⁴, Իրաքի նախագահ Սադդամ Հուսեյնը, ձգտում էր առաջնորդի դեր կատարել արաբական աշխարհում⁵: Եթե հավատանք աղբյուրներին, ապա 1982-1990 թթ. ընթացքում Իրաքը ներ էր կրել ավելի քան 14 մլրդ. դոլարի զենք, որի արդյունքում Բաղդադը աշխարհում զենք ներկրողների շարքում զբաղեցրել էր առաջին տեղը⁶: Իր քաղաքական նկրտումները իրականացնելու համար՝ Սադդամ Հուսեյնը 1989թ. փետրվարի 16-ին հիմնել էր Արաբական Համագործակցության Դաշինքը՝ Եգիպտոսի, Ի-

րաքի, Եմենի և Հորդանանի մասնակցությամբ: Այն նպատակ ուներ առաջին հերթին Սերժավոր Արևելքում ուժային մոր հավասարակշռություն ստեղծել ի հակակշիռ Դամասկոսի և առ-Ռիադի: Հետագայում Եգիպտոսը աստիճանաբար սահմանազատվեց Սադդամ Հուսեյնից, ինչի արդյունքում ձևավորվեց Կահիրե-առ-Ռիադ-Դամասկոս մոր համագործակցության շրջանակը՝ Բաղդադին դիմակայելու համար⁷:

Հայտնի էր, որ վերջին տասնամյակներին Կահիրե-Բաղդադ-Դամասկոս շրջանակներում երբեք չի եղել ներդաշնակություն: Այսպես, օրինակ, ութ տարի տևողությամբ իրաքա-իրանյան պատերազմի ընթացքում Դամասկոսը բացահայտ դիմակայում էր Բաղդադին, որն էլ իր հերթին վայելում էր Կահիրեի աջակցությունը⁸:

1990թ. փետրվարին Ամմանում ԱՀԴ անդամ պետությունների ղեկավարների համոդիամանը, Սադդամը խնդրել էր Հորդանանի թագավոր Հուսեյնին և Եգիպտոսի նախագահ Մուբարաքին հայտնել Շոցի երկրներին, որ Իրաքը պահանջում էր մրանցից ոչ միայն մարել իրաքա-իրանյան պատերազմի տարիներին իր կուտակած պարտքերը, այլ նաև անհապաղ տրամադրել 30 մլրդ դոլար⁹: Իրաքի նախագահը սպառնում էր գումարը չտրամադրելու դեպքում՝ դիմել այլ միջոցների: 1990թ. հուլիսի 15-ին Իրաքի արտաքին գործերի նախարար Թարիք Ազիզը հուշագիր է ուղարկում ԱՊԼ գլխավոր քարտուղարի, որտեղ Իրաքի կողմից մեղադրանքներ էին հնչում Քուվեյթի հասցեին¹⁰: Նշվում էր, որ Քուվեյթը, օգտվելով Իրաքի Իրանի դեմ պատերազմելու հանգամանքից, իր ռազմական կառույցները, նավթային արդյունաբերական ձեռնարկությունները տեղակայել էր իրաքյան սահմանամերձ տարածքներում: Քուվեյթը, ինչպես նաև Միացյալ Արաբական Էմիրությունները, մեղադրվում էին համաշխարհային շուկաներում մաֆային դեմփինգի մեջ: Այդ ամենի արդյունքում, ըստ իրաքյան իշխանությունների 1981-1990թթ. ընթացքում Բաղդադը կորցրել էր 89 մլրդ դոլար: Քուվեյթը մեղադրվում էր նաև Իրաքի հարավային շրջաններում՝ Ռումելիայի նավթահանքերի անօրինական շահագործման մեջ, որտեղից վերջինս 1981-1990թթ. ընթացքում արտահանել էր մի քանի տասնյակ միլիարդ դոլարի արժողության նավթ: Իրաքը պահանջում էր փոխհատուցել այդ կրած վնասը և մշակել արաբական օգնության հատուկ ծրագիր (Մարշալի ծրագրի նմանությամբ), որպեսզի Իրաքը կարողանա դուրս գալ տնտեսական ծանր վիճակից¹¹: Քուվեյթը Շոցի Երկրների Համագործակցության Դաշինքի մնացած անդամ-պետությունների հետ միասին քննադատել էր իրաքյան անհիմն մեղադրանքները, թեպետ առաջարկվել էր ԱՊԼ շրջանակներում հատուկ հանձնաժողով կազմել, որը պետք է զբաղվեր իրաքա-քուվեյթյան վիճելի սահմանների դեմարկացիայի հարցով¹²: Երբ Իրաքում հակաքուվեյթյան քարոզությունը հասել էր իր կիզակետին, 1990թ. հու-

լիսի 26-ին Մուրարաքը միջնորդության նախաձեռնությամբ ժամանել էր Բաղդադ¹³: Մակայն եգիպտական միջնորդական նախաձեռնությունը ձախողվեց: Արաբական աշխարհում նախապես տպավորություն ստեղծելով, թե իր քայլը ուղղված է պաղեստինյան խնդրի կարգավորման գործին, 1990թ. օգոստոսի 1-ի լույս 2-ի գիշերը իրաքյան 150.000-անոց զորամիավորումներ խուժեց հարևան անկախ Զուվեյթ և ամբողջովին գրավեց այն¹⁴: 20.000-անոց թուվեյթյան բանակը չէր կարող դիմակայել և գլխովին ջախջախվեց, իսկ պետության ղեկավարները ապաստան գտան Սաուդյան Արաբիայում: Զուվեյթի գրավումը անակնկալ էր և այն ցնցեց ոչ միայն արաբական այլ նաև ողջ աշխարհը:

1990 թ. հուլիսին գրանցված տվյալների համաձայն Իրաքի պարտքերը արդյունաբերական զարգացած երկրներին կազմել էին ավելի քան 40 մլրդ դոլար, նույն քանակության պարտք էլ գրանցվել էր արաբական երկրներին¹⁵: Արդեն օգոստոսի 7-ին, ի պատասխան Սաուդյան Արաբիայի և Զուվեյթի խնդրանքի ԱՄՆ-ի նախագահ Ջորջ Բուշը հրաման էր տվել Սաուդյան Արաբիայի արևելյան նահանգ ամերիկյան զորամիավորումներ տեղափոխելու մասին¹⁶: Ջորջ Բուշի հրամանի նախօրեին ՊԱԿ-ի նախագահը անմիջապես ժամանաել էր Եգիպտոս՝ Մուրարաքին համոզելու շրջանցել և հնարավորության դեպքում կանխել ԱՄՆ-ի կողմից նախաձեռնվող հակաիրաքյան ռազմական գործողությունները: Մակայն Մուրարաքը հայտնել էր Արաֆաթին, որ Սադդամը չափից ավելի մեծ հարված էր հասցրել արաբների հեղինակությանը¹⁷: Սպառնելով դիվանագիտական ճանապարհով խնդիրը լուծելու հնարավորությունները, 1990թ. օգոստոսի 10-ին ԱՊԼ անդամ պետությունների արտահերթ զագաթաժողովի նիստին Մուրարաքը առաջ քաշեց եգիպտա-սաուդյան Իրաքին դատապարտող և հակաիրաքյան ռազմական կոալիցիային մասնակցելու կոչ անող բանաձևը¹⁸: ԱՊԼ 22 անդամներից (ՊԱԿ-ի հետ միասին) 12-ը միայն միացան Եգիպտոսի կողմից առաջադրված բանաձևին: Ջորքեր ուղարկեցին Մարոկոն, Եգիպտոսը, Սիրիան և Սաուդյան Արաբիան: Մակայն հետագա ռազմական գործողություններին անմիջական մասնակցություն ունեցան Եգիպտոսի (35.000 զինվոր), Սիրիայի և Սաուդյան Արաբիայի զորամիավորումները: Հարկ է նշել, որ Կահիրեի կողմից ուղարկված զորքերը միջազգային կոալիցիայում զբաղեցնում էին իրենց քանակով երկրորդ տեղը ամերիկյանից հետո:

Արդարացի լինելու համար նշենք, որ Մուրարաքի նման դիրքորոշումը պայմանավորված էր Սադդամ Հուսեյնի «անսասան» քաղաքական ուղեգծով և երբ խնդիրը լուրջ բնույթից վերածվեց միջազգային եգիպտա-սիրիական զորքերի մասնակցությունը կոալիցիային պետք է ապահովեին նրանում արաբական տարրը և Իրաքի ակնկալվող պարտության դեպքում թույլ չտալին նրա մասնատումը:

Անկարող լինելով լուծել ճգնաժամը մեկ ընդհանուր հայտարարի շուրջ՝ արաբական աշխարհը բաժանվեց երեք ճակատի.

1. Ծոցի երկրները, Եգիպտոսը և Սիրիան պաշտպանեցին Քուվեյթին;

2. Հորդանանը, Պաղեստինի Ազատագրության Կազմակերպությունը (ՊԱԿ), Եմենը, Սուդանը և Մավրիտանիան հանդես եկան Իրաքի պաշտպանությամբ՝ կոչ անելով Բաղդադին Քուվեյթի հարստությունը բաժանել արաբական պետությունների միջև;

3. Մադրիբի պետությունները՝ Մարոկկոն, Թունիսը, Ալժիրը և Լիբիան կոչ արեցին ճգնաժամը լուծել արաբական ուժերով և թույլ չտալ օտարերկրյա միջամտությանը¹⁹:

Արաբական երկրներից յուրաքանչյուրը իր դիրքորոշումը Ծոցի երկրորդ ճգնաժամի հանդեպ որդեգրում էր ելնելով իր համար արտաքին և ներքին քաղաքական գործոնների մանրամասն հաշվարկից: Արաբական ղեկավարների դիրքորոշման հարցում մեծ դեր խաղացին նաև ժամանակին միմյանց հասցրած վիրավորանքները և քաղաքական այս կամ այն հարցում անբավարարվածությունը, ձգտումը «չեզոքացնել, մեկուսացնել» հակառակորդին: Մուբարաքը վրդովված էր Մադրասի ուխտադրույթ քաղաքականությունից և արաբական աշխարհում իր հեղինակությամբ հասցրած բարոյահոգեբանական հարվածից: Աբաֆաթը զգտում էր կանխել Մերձավոր Արևելքում մոռ հակամարտության բռնկումը, ինչը երկրորդական կդարձներ պաղեստինա-իսրայելյան խնդրի լուծումը: Վերջինս ենթադրում էր, որ արաբների և Մադրասի միջև հաշտության եզրեր գտնելու իր միջնորդությունը կնպաստի ՊԱԿ-ի հեղինակության բարձրացմանը: Գոյություն ունեին ներքաղաքական պատճառներ: Օրինակ, Հորդանանում բնակվում էին ավելի քան 1 մլն. պաղեստինցիներ, որոնք պատրաստ էին զենքը ձեռքին սատարել Մադրասին: Ճգնաժամը լուրջ փորձության առջև դրեց ոչ միայն եգիպտա-արաբական, այլ նաև եգիպտա-ամերիկյան հարաբերությունները: Մտեղծված բաթղ իրադրության մասին է վկայում 1991թ. Մուբարաքի կողմից արված հայտարարությունը, որ «Ծոցի ճգնաժամը իմ նախագահության ամենադժվար շրջանն էր»²⁰: Ինչ վերաբերում է տարածաշրջանի մյուս երկու պետություններին, ապա Թուրքիան միացավ ԱՄՆ-ի նախաձեռնություններին, իսկ Իրանը սատարեց Իրաքին: 1990թ. մայիսի 29-ին տեղի ունեցած ՄԱԿ-ի Անվտանգության Խորհրդի 15 անդամ-պետությունների արտաքին գործերի նախարարների նիստին ընդունվել էր 678-րդ բանաձևը, որին կողմ էին քվեարկել նիստի մասնակիցներից 12-ը՝ Եմենը և Կուբան քվեարկել էին դեմ, Իսկ Չինաստանը՝ մնացել էր ձեռնպահ: Ախ 678-րդ բանաձևը Իրաքին զգուշացնում էր, որ եթե նա մինչև 1991թ. հունվարի կեսը չհեռանա Քուվեյթից, ապա ԱՄՆ կհանձնա-

րարեր իր անդամ-պետությունների ձեռնարկել միջոցներ ՄԱԿ-ի ԱԽ 660-րդ և դրան հաջորդած բոլոր բանաձևերը կյանքի կոչել՝ տարածաշրջանում անվտանգություն ու խաղաղություն հաստատելու համար²¹:

1991թ. հունվարի 16-ին Իրաքի դեմ ռազմական գործողությունների մախսոբեին Մութարաքը կրկին անգամ դիմել էր Հուսեյնին կոչ անելով «ապավինել բանականության ձայնին և թույլ չտալ հարվածել Բաղդադին»²²: Գրեթե վեց ամիս տևած Քուվեյթի բռնազավթման ընթացքում իրաքյան վարչակարգը մերժում էր խնդիրը խաղաղ ճանապարհով լուծելու բոլոր փորձերն ու մախսածնությունները: 42 օր տևողությամբ պատերազմը ավարտվեց Իրաքի ռազմական ներուժի 70-80% ոչնչացմամբ և երկրի քիմիական զենքի և այլ կարգի ստրատեգիական կարևորություն ունեցող կենտրոնների վերացմամբ: Իրաքում աշխատող ՄԱԿ-ի փորձագետները 1991 թ. աշնանը եկան այն համոզման, որ Սադդամի վարչակարգին միջուկային զենքի ստեղծումից բաժանում էր ընդամենը երկու տարի²³: Իրաքը կորցրեց նաև իր հեղինակավոր դիրքերը մի շարք միջազգային կազմակերպություններում և վարկաբեկվեց: Փետրվարի 26-ին Հուսեյնը հայտարարեց, որ ընդունում է ՄԱԿ-ի ԱԽ-ի բոլոր 12 բանաձևերը²⁴: Բաղդադը պարտավորվել էր փոխհատուցել Քուվեյթին հասցրած վնասը և ազատ արձակել միջազգային հակաիրաքյան կոալիցիայի անդամ-պետությունների քաղաքացիներին, որոնք իբրև պատանդ մնացել էին Իրաքում²⁵: 1991թ. փետրվարի վերջին Քուվեյթում գտնվող իրաքյան զորքերի մնացած մասը դուրս եկավ երկրից: Եզիպտոսի դիրքորոշման արդյունքում տարածաշրջանում ուժային մոր հավասարակշռություն ստեղծվեց, որը սկսեց գլխավորել Կահիրեն: Պատերազմից արաբական ոչ մի պետություն այդքան ձեռքբերումներ չունեցավ, որքան Եզիպտոսը:

1992թ. սեպտեմբերին Մութարաքը հայտարարել էր, որ «Միջազգային կոալիցիային մասնակցությունը թույլ տվեց մեզ ձեռք բերել երկրի տնտեսության զարգացմանը խթանող անհրաժեշտ ներդրումները»²⁶: Մութարաքը ի սկզբանե գտնվեց հաղթողների շարքում, ինչը վերջին շրջանում քիչ էր հաջողվում արաբական առաջնորդներին: Այդ հանգամանքը բարձրացրել էր մախսաճախի հեղինակությունը համերկրացիների աչքերում, ինչի արդյունքում 1993թ. նա երրորդ անգամ ընտրվեց իր պաշտոնին: Իրաքի սարսափից ահաբեկված պետությունների պաշտպանության արդյունքում 1991թ. զարմանը ԱՊԼ նստավայր-գրասենյակը կրկին տեղափոխվեց Կահիրե, իսկ Եզիպտոսի արտաքին գործերի մախսարար Իսմաթ Աբդ ալ-Մագհդը նշանակվեց լիզայի գլխավոր քարտուղարի պաշտոնին²⁶: Նույն 1991թ. Եզիպտոսի վարչապետի տեղակալ Բուտրոս Բուտրոս Ղալին ընտրվեց ՄԱԿ-ի գլխավոր քարտուղար: 1991թ. օգոստոսին ԻԿԿ արտգործնախարարների Ստամբուլի կոնֆերանսում

ունեցած ելույթում Եգիպտոսի ԱԳ նախարար Ամր Մուսան նշեց, որ Զուվեյթի բռնազավթումը անակնկալ էր իսլամական պետությունների համար և «այն սպառնում էր տարածաշրջանում անվտանգությանը, կայունությանն ու համերաշխությանը»²⁷։ Միջազգային կռաւիցիային մասնակցությունը ապահովեց Եգիպտոսին մի շարք տնտեսական ձեռքբերումներ։

ԱՄՆ-ն մարեց Եգիպտոսի ռազմական պարտքի 6,7 մլրդ. դոլար գումարը²⁸։ Այնուհետև, 1979թ.-ից Եգիպտոսին ԱՄՆ-ի կողմից անվերադարձ տրամադրվող գումարի ընդհանուր չափը 1998թ. պետք է հասներ 22 մլրդ. դոլարի²⁹։ Վարկեր տրամադրող «փարիզյան ակումբը» մարեց Եգիպտոսի 50 մլրդ. դոլար արտաքին պարտքի 50%-ը, իսկ Միջազգային Առևտրային Հիմնադրամը մշակեց Եգիպտոսին վարկերի տրամադրման հատուկ համակարգային ծրագիր երկրի տնտեսության վերակառուցման համար։ Ծոցի ճգնաժամը փորձության առջև էր կանգնեցրել եգիպտա-ամերիկյան հարաբերությունները, որին Մուբարաքը մեծ տեղ էր հատկացնում՝ մանավանդ, երբ ԽՍՀՄ-ը գտնվում էր իր քաղաքական մայրամուտում։ Սակայն, միանալով միջազգային հակաիրաքյան կռաւիցիային, Եգիպտոսը ոչ միայն պահպանեց, այլ նաև ամրապնդեց երկկողմ հարաբերությունները ԱՄՆ-ի հետ, որն իր արտացոլումը գտավ «եգիպտա-ամերիկյան համագործակցության և համընդհանուր շահերի պահպանման մասին» 1998թ. հուլիսին հրապարակված ամերիկա-եգիպտական հռչակագրում»³⁰։ Արևելագետ Ղ.Կլաբկը գտնում է, որ Ծոցի երկրորդ պատերազմից հետո Եգիպտոսի դերը ԱՄՆ-ի քաղաքականությունում չափազանց կարևոր էր դարձել և ղեկավար շրջանների կողմից որոշում էր ընդունվել այն ավելի ընդարձակել ու ամրապնդել³¹։ Հարկավոր է փաստել, որ առանց Եգիպտոսի աջակցության ԱՄՆ-ի գլխավորած միջազգային հակաիրաքյան կռաւիցիայի ռազմական գործողությունները կդժվարանային, քանի որ քաղաքական տեսանկյունից նրանում կրացակայեղ արաբական տարրի մասնակցությունը։ Գտնվելով հաղթողների շարքերում՝ Կահիրեն իրեն համարելով պաղեստինյան խնդրի լուծմանը կոչված տարածաշրջանի հիմնական պետություն կարողացավ վերսկսել խաղաղության գործընթացը Մերձավոր Արևելքում, որի ամսիջական ապացույցը եղավ 1991թ. հոկտեմբերի 30-ին մեկնարկած Մադրիդի խաղաղության կոնֆերանսը, որը կոչված էր լուծել արաբա-իսրայելյան հակամարտությունը հիմնվելով ՍԱԿ-ի ԱԽ 242-րդ և 338-րդ բանաձևերի վրա³²։ Ծոցում պատերազմի ավարտից հետո, ԱՄՆ նախագահ Ջ.Բուշը ելույթ ունենալով կոնգրեսի միատիմ ընդգծեց, որ «եկել է այն ժամանակը, երբ պետք է լրջորեն զբաղվել խնդիրների կարգավորմամբ Մերձավոր Արևելքում և վերջապես դնել արաբա-իսրայելյան հակամարտության կարգավորման գործընթացում»³³։ Արևելագետ Ու. Բո-

ւանդթը այդ կապակցությամբ նշել է, որ պատերազմը վերջապես ռեալ հնարավորություն ստեղծեց արաբա-խորայելյան հակամարտության կարգավորման գործընթացում առաջխաղացման հասնելու գործում (այդ խոսքերը գրվել են «Փոթորիկ անապատում» հակաիրաքյան ռազմական օպերացիայից ամփոփապես հետո)³⁴: Մուրաբաքը մեծ դեր խաղաց մաս Պաղեստինի Ազատագրության Կազմակերպության և նրա նախագահ Յասեր Արաֆաթի համրավի վերականգման գործում, քանի որ վերջինս քուվեյթյան ճգնաժամի հանդեպ իր դիրքորոշման արդյունքում դատապարտվել էր ոչ միայն արաբական ղեկավարների, այլ մաս միջազգային հանրության կողմից³⁵: Եզիպտոսի և Սիրիայի հակաիրաքյան դիրքորոշումը նպաստեց երկուս երկրների միջև «սանհանդուրժողականության» խոչընդոտի վերացմանը: Դամասկոսը կարողացավ մաս ընդլայնել համագործակցությունը Արևմուտքի հետ: Որպեսզի կանխարգելեն հետագա մնան ճգնաժամային իրավիճակների ի հայտ գալը և ապահովեն տարածաշրջանում պատերազմից հետո անվտանգությունն ու կայունությունը Եզիպտոսը 7 արաբական երկրների հետ (Սիրիա, Մաուրյան Արաբիա, Զուվեյթ, Օման, Կատար, Բահրեյն, Միացյալ Արաբական Էմիրություններ) 1991թ. մարտին ստորագրեցին «Դամասկոսի հռչակագիրը»³⁶: Այն մոր հիմքերի վրա դրեց Եզիպտոսի, Սիրիայի և Շոցի երկրների միջև համագործակցությունը՝ ապահովելով Կահիրեի դիրքերի ամրացումը այդ հարաբերություններում: «Դամասկոսի հռչակագիրը»՝ Մերձավոր Արևելքում կոլեկտիվ անվտանգության ապահովման տեսանկյունից չափազանց կարևոր ձեռքբերում էր Կահիրեի համար: Ստեղծված ուժային մոր հարաբերակցության պայմաններում՝ Եզիպտոսը ստանձնում էր արաբական երկրների անվտանգությունը ապահովելու կարևորագույն դերը:

Ամփոփելով վերը շարադրվածը, անհրաժեշտ է փաստել, որ Եզիպտոսի նախագահի Իրաքա-Զուվեյթյան ճգնաժամի ընթացքում դրսևորած ճկուն և հեռատես դիվանագիտության արդյունքում, Կահիրեն ամբողջովին վերականգնեց իր առաջատար դերը արաբական աշխարհում: Մինչդեռ 10 տարի առաջ անգամ ամենալավատես Եզիպտացի քաղաքագետները չէին կարող անգամ կանխատեսել Եզիպտոսի մնան հաջողության մասին:

GEVORGIAN GOR

**THE EGYPTIAN ATTITUDE DURING
THE IRAQI-KUWAITIAN CONFLICT (1990-1991)**
(Summary)

In the years 1990-1991 during the Iraqi-Kuwaitian Conflict, the Condemnation of Iraq, and the participation of Egyptian forces with the other Arabic Countries in the International alliance against Iraq, brought many big successes to Cairo.

During the year 1991, the head quarters of the Arab League returned to Cairo and the Egyptian foreign minister Abdel Magid was elected the general secretary of the Liaque, the deputy Prime minister Boutros Boutros Gali was elected to the United Nations Organization General secretary's post. Mubarak himself was elected as the general secretary of the African Union during the years 1989-1990, then 1993-1994.

In the year 1993 he was elected as the president of Egypt for the third time. When Egypt participated in the International Coalition against Iraq, the U.S. canceled the Egyptian military dept which was 6,7 billion \$ in return.

The "Paris-club" canceled the half of Egyptian dept, which counted 50 billion \$.

Cairo in favor of the elastic policy of Mubarak be came again the main player in Arab Politics.

ՇԱՆՈՅԱԳՐՈՒԹՅՈՒՆՆԵՐ

1. Н.О.Оганесян, Отношения Иракской Республики со странами Арабского Востока, Ер., 1985, стр. 27.
2. См. В.Сычев, Проблемы политики и новые тенденции в деятельности организации исламской конференции (ОИК), в кн. Современный ислам, М., 1985, стр. 133, а также ТАСС Атлас с 31 (1675)14.08.89, стр. 57-59.
3. Азия и Африка сегодня, с 2, М, 1992, О.Левин, Египет после войны в Заливе, стр. 12.
4. Hollstreet journal, US, 6.08.90., ТАСС БПИ, N 32 (1726)06.08.90., стр. 55.
5. П.Кальвокоресси, Мировая политика после 1945 г., т. 1, М., 2000, стр. 551.
6. Азия и Африка сегодня, с 3, М, 1992, П.Демченко, Ближневосточный ребус, стр. 4.
7. Азия и Африка сегодня е4, М., 1994, Б.Сейранян, Звезда и жизнь диктатора, стр. 9.
8. Международная жизнь, с 1, М., 1991, Е.Пырлин, В ожидании изменений на Ближнем Востоке, стр. 104.
9. Р.Дж. Апдайк, Саддам Хусейн, Ростов на Дону, 1999, стр. 370.
10. Ալ-Իրաք, Իրաք, N 7, 1990:
11. Նույն տեղում:
12. Աս-Սիասա, Էլ-Ջուլիդ, 22.07.90:
13. Աշ-Շաաք, Իրաք 26.07.90.
14. Մանրամասն ահա՝ «Ալ-Ջումհուրիա», Իրաք, 22.04.90.

